

SAMÞYKKT

um breytingu á samþykkt um stjórn Fjarðabyggðar og fundarskóp bæjarstjórnar nr. 250/2010.

1. gr.

48. gr. samþykktarinnar sem ber fyrirsögnina „*Hlutverk bæjarráðs*“ verður svohljóðandi:

Bæjarráð fer ásamt bæjarstjóra með framkvæmdastjórn bæjarins, fjármálastjórn og starfsmanna-
stjórn, að því leyti sem slík stjórn er ekki öðrum falin. Bæjarráð hefur umsjón með stjórnarsýslu,
framkvæmdum og fjármálum bæjarins. Bæjarráð hefur umsjón með undirbúningi árlegrar fjárhags-
áætlunar, undirbýr frumvarp að fjárhagsáætlun bæjarsjóðs og bæjarfyrirtækja að fengnum tillögum
hlutaðeiganda nefnda og stjórna og ákveður skiptingu rekstrarfjármuna til einstakra málaflokka
samkvæmt frumvarpi að fjárhagsáætlun. Þá sér bæjarráð um, að ársreikningar bæjarsjóðs séu samdir
og þeir séu ásamt ársreikningum bæjarfyrirtækja lagðir fyrir bæjarstjórn til afgreiðslu, eins og
sveitarstjórnarlög mæla fyrir um. Undir bæjarráð heyrir brunamál sem og önnur mál A-hluta stofnana
og B-hluta fyrirtækja sem ekki eru falin öðrum í samþykkt þessari eða öðrum samþykktum bæjar-
stjórnar. Bæjarráð ber ábyrgð á forgangsörðun framkvæmda, gjaldskrár veitustofnana og vinabæjar-
samskiptum.

Bæjarráð gerir tillögur til bæjarstjórnar um afgreiðslu einstakra mála, sem það fær til meðferðar.
Bæjarráði er heimil fullnaðarafgreiðsla mála, sem ekki varða verulega fjárhag bæjarsjóðs eða stofna-
na hans, enda sé ekki ágreiningur milli bæjarráðsmanna eða við bæjarstjóra um slíka afgreiðslu.
Bæjarráð skal hafa til viðmiðunar að stefnumarkandi og fordæmisgefandi málefni séu afgreidd með
fullnaðarákvörðun bæjarstjórnar ef ekki liggja fyrir reglur, samþykktir, stefnumörkun eða áætlanir
staðfestar af bæjarstjórn.

Bæjarstjórn getur falið bæjarráði fullnaðarafgreiðslu mála nema lög mæli fyrir á annan veg.

Heimilt er að bóka einstök mál sem tekin eru fyrir í bæjarráði í sérstaka trúnaðarbók, svo sem ef
um er að ræða viðkvæm einkamál manna eða viðskiptamál. Til viðmiðunar um hvenær það getur átt
við skal litið til upplýsingalaga nr. 50/1996.

2. gr.

55. gr. samþykktarinnar sem ber fyrirsögnina „*Fullnaðarafgreiðsla*“ verður svohljóðandi:

Í því skyni að stuðla að hagræðingu, skilvirkni og hraðri málsmeðferð getur bæjarstjórn ákveðið
með viðauka við samþykkt þessa að fela nefnd, ráði eða stjórn fullnaðarafgreiðslu mála sem ekki
varða verulega fjárhag bæjarsjóðs ef lög eða eðli máls mæla ekki sérstaklega gegn því sbr. viðauka
nr. 1.0 – 5.0, sem birtir eru með samþykkt þessari

Á sama hátt og með sömu skilyrðum er bæjarstjórn heimilt að fela embættismönnum innan
stjórnarsýslu Fjarðabyggðar fullnaðarafgreiðslu mála, sbr. viðauka nr. 6.0 sem birtur er með samþykkt
þessari.

Bæjarstjórn, bæjarráð eða hlutaðeigandi nefnd skal hafa eftirlit með afgreiðslu mála samkvæmt
1. og 2. mgr. og kalla eftir reglulegum skýrslum um ákvarðanir sem teknar eru á grundvelli hennar.

Sá aðili sem fengið hefur framselt vald til fullnaðarafgreiðslu samkvæmt 2. mgr., eða þriðjungur
fulltrúa ef um nefnd, ráð eða stjórn er að ræða, samanber 1. mgr., getur ávallt óskað eftir því að
bæjarstjórn, bæjarráð eða viðkomandi nefnd samkvæmt samþykktum um stjórn Fjarðabyggðar og
fundarskóp bæjarstjórnar taki ákvörðun í máli.

Þegar bæjarstjórn neytir heimildar samkvæmt 1. eða 2. mgr. skal jafnframt kveðið á um það
hvernig fara skuli með endurupptöku mála sem hljóta afgreiðslu samkvæmt þessum ákvæðum.

Heimildir nefnda, ráða og stjórna til fullnaðarafgreiðslu mála eru háðar því að samþykktir þeirra
sem hafa í för með sér útgjöld séu innan heimilda í fjárhagsáætlun fyrir viðkomandi málaflokk.

3. gr.

58. gr. samþykktarinnar sem ber fyrirsögnina „*Nefndir, ráð, stjórnir, embættismenn: Tilnefningar, skipanir og kosningar*“ verður svohljóðandi:

- A. **Nefndir og stjórnir.** Hér er um að ræða fagnefndir og stjórnir, sem sinna faglegu starfi á grundvelli sérstakra samþykktu sem staðfestar eru í bæjarstjórn. Kjörtímabil nefndanna er almennt hið sama og bæjarstjórnar. Bæjarstjórn kys formann og varaformann við kosningu nefndar. Bæjarstjórn ákveður verkefni þeirra með nánari samþykkt, í samræmi við lög og reglur sem um störf þeirra gilda.

Fagnefndir undirbúa stefnumörkun í málefnum sem þeim eru falin. Nefndirnar hafa umsjón með verkefnum sem falla undir verksvið þeirra og að framkvæmd þeirra samræmist stefnumörkun bæjarstjórnar í viðkomandi málaflokki og sé innan heimilda í fjárhagsáætlun. Við undirbúning ákvarðana og önnur störf nefnda skulu þær njóta faglegs stuðnings frá starfsmönnum þannig að ákvarðanir stjórnkerfis Fjarðabyggðar uppfylli kröfur laga og séu í samræmi við góða stjórn-sýsluhætti.

Bæjarstjórn kys í eftirtaldir nefndir, ráð og stjórnir:

a-hluti - skipan til eins árs.

1. *Bæjarráð.* Kjósa skal þrjú fulltrúa í bæjarráð til eins árs í senn í samræmi við 43. gr. samþykktar þessarar.

b-hluti - skipan til fjögurra ára á fyrsta eða öðrum fundi nýkjörinnar bæjarstjórnar.

1. *Atvinnu- og menningarnefnd.* Bæjarstjórn kys fimm fulltrúa og jafnmarga til vara í atvinnu- og menningarnefnd. Hlutverk hennar er m.a. mörkun stefnu í atvinnuþróunarmálum, þ.m.t. menningar- og ferðamálum og í kynningar- og markaðsmálum, ábyrgð á samskiptum við hagsmunaaðila í atvinnuþróunarmálum, þ.m.t. við fyrirtæki í Fjarðabyggð og þá sem ábyrgð bera á atvinnuþróunarmálum af hálfu ríkis og landshlutasamtaka. Þá ber nefndin ábyrgð á safnastarfi bæjarfélagsins og samskiptum við þá aðila sem vinna að menningarmálum. Nefndinni ber að styrkja stöðu Fjarðabyggðar sem áfangastaðar ferðalanga og vinna að undirbúningi viðburða og hátíða í samvinnu við hagsmunaaðila. Jafnframt hefur nefndin eftirlit með að samþykktum og stefnumörkun á verksviði nefndarinnar sé fylgt og fer með önnur þau verkefni sem bæjarráð ákveður.
2. *Barnaverndarnefnd.* Bæjarstjórn kys fimm fulltrúa og jafnmarga til vara í barnaverndarnefnd. Um verkefni barnaverndarnefndar fer samkvæmt barnaverndarlögum nr. 80/2002 og barnalögum nr. 76/2003. Nefndin skal móta stefnu bæjarins í barnaverndarmálum og taka ákvarðanir á verksviði sínu. Jafnframt hefur nefndin eftirlit með að samþykktum og stefnumörkun á verksviði hennar sé fylgt.
3. *Félagsmálanefnd.* Bæjarstjórn kys fimm fulltrúa og jafnmarga til vara í félagsmálanefnd. Nefndin mótar stefnu bæjarins í velferðarþjónustu s.s. félags- og öldrunarmálum og í jafnréttismálum. Nefndin skal taka ákvarðanir og gera tillögur til bæjarráðs um málefni á verksviði sínu. Jafnframt hefur nefndin eftirlit með að samþykktum og stefnumörkun á verksviði hennar sé fylgt. Þá fer nefndin með önnur þau verkefni sem bæjarráð ákveður.
4. *Fræðslu- og frístundanefnd.* Bæjarstjórn kys fimm fulltrúa og jafnmarga til vara í fræðslu- og frístundanefnd. Nefndin annast stefnumótun í fræðslu- og menntamálum og íþróttu- og æskulýðsmálum. Nefndin skal vinna að samhæfingu skólustarfs í Fjarðabyggð, stuðla að virku íþróttu- og æskulýðsstarfi og virkja félagsauðinn í sveitarfélaginu. Nefndin skal taka ákvarðanir og gera tillögur til bæjarráðs um málefni á verksviði sínu. Jafnframt hefur nefndin eftirlit með að samþykktum og stefnumörkun á verksviði nefndarinnar sé fylgt. Þá fer nefndin með önnur þau verkefni sem bæjarráð ákveður.
5. *Hafnarstjórn.* Bæjarstjórn kys fimm fulltrúa og jafnmarga til vara í hafnarstjórn samkvæmt lögum um hafnamál. Hlutverk og verkefni hafnarstjórnar eru lögbundin en jafnframt ákveðin í sérstakri samþykkt sem bæjarstjórn setur um störf hennar.
6. *Eigna-, skipulags- og umhverfisnefnd.* Bæjarstjórn kys fimm fulltrúa og jafnmarga til vara í eigna-, skipulags- og umhverfisnefnd. Nefndin skal móta stefnu bæjarins varðandi mannvirki og umsjón þeirra, náttúruvernd og umhverfismál, þ.m.t. meðferð úrgangs, skipulags- og byggingarmál og samgöngu- og umferðaröryggismál. Nefndin skal taka ákvarðanir og gera tillögur til bæjarráðs um málefni á verksviði sínu. Jafnframt hefur nefndin eftirlit með að samþykktum og stefnumörkun á verksviði hennar sé fylgt. Þá fer nefndin með önnur þau verkefni sem bæjarráð ákveður.

7. *Landbúnaðarnefnd*. Landbúnaðarnefnd skal fjalla um fjallskilamál, búfjáreftirlit og girðingamál í umboði umhverfis- og skipulagsnefndar. Í landbúnaðarnefnd sitja fimm fulltrúar kosnir af umhverfis- og skipulagsnefnd. Umhverfis- og skipulagsnefnd gerir tillögu til bæjarstjórnar að samþykkt um hlutverk og verkefni landbúnaðarnefndar.
8. *Ungmennaráð*. Ungmennaráð skal starfa í samræmi við ákvæði 11. gr. æskulýðslaga nr. 70/2007. Hlutverk þess er m.a. að vera bæjarstjórninni til ráðgjafar um málefni ungs fólks í sveitarfélaginu. Fræðslu- og frístundanefnd gerir tillögu til bæjarstjórnar um verklagsreglur varðandi val í ungmennaráðið og verkefni þess.
9. *Kjörstjórnir*. Bæjarstjórn kýs þrjá fulltrúa og jafnmarga til vara í yfirkjörstjórn, samkvæmt lögum um kosningar til sveitarstjórna og lögum um kosningar til Alþingis. Kjörstjórn kýs sér oddvita og ritara úr sínum hópi. Ennfremur kýs bæjarstjórn undirkjörstjórnir jafnmargar og kjördeildir eru sem skipaðar eru þremur aðalmönnum og þremur varamönnum. Kjörstjórnir fara með þau verkefni sem þeim eru falin samkvæmt ákvæðum laga um kosningar til sveitarstjórna og lögum um kosningar til Alþingis.

B. Stjórnir og samstarfsnefndir. Hér er um að ræða stjórnir stofnana með sjálfstæðan fjárhag og tilnefningar í samstarfsnefndir, sem hafa endanlegt ákvörðunarvald í málefnum sínum, þ.e. þurfa ekki staðfestingu bæjarstjórnar til að koma málum í framkvæmd. Kjörtímabil þeirra er hið sama og bæjarstjórnar nema kveðið sé á um annað í lögum.

1. *Almannavarnanefnd*. Bæjarstjórn skipar fulltrúa í almannavarnanefnd á fyrsta eða öðrum fundi nýkjörinnar bæjarstjórnar og er kjörtímabil hennar hið sama og bæjarstjórnar. Samkvæmt lögum um almannavarnir nr. 82/2008 felst hlutverk nefndarinnar í stefnumótun og skipulagningu starfs að almannavörnum í héraði. Nefndin vinnur að gerð hættumats og viðbragðsáætlana í samvinnu við ríkislögreglustjóra. Sýslumaður á sæti í almannavarnanefnd ásamt fulltrúum úr sveitarstjórn og þeim fulltrúum sem sinna verkefnum í þágu hins almenna borgara. Almannavarnanefnd kýs sér sjálf formann og varaformann.
2. *Stjórn Náttúrustofu Austurlands*. Bæjarráð skipar einn aðalfulltrúa og annan til vara í þriggja manna stjórn Náttúrustofu Austurlands. Þá velur bæjarráð stjórninni formann í samráði við bæjarráð Fljótsdalshéraðs. Náttúrustofan starfar samkvæmt ákvæðum laga og reglugerða um Náttúrufræðistofnun Íslands og náttúrustofur.
3. *Stjórn Kirkju- og menningarmiðstöðvarinnar*. Bæjarstjórn skipar einn fulltrúa, og annan til vara, í stjórn Kirkju- og menningarmiðstöðvarinnar að fenginni tilnefningu atvinnu- og menningarnefndar.
4. *Starfskjaranefndir*. Bæjarstjórn skipar fulltrúa í starfskjaranefndir eftir ákvæðum kjarasamninga og samþykkt frá launanefnd sveitarfélaga.
5. *Stjórn Lífeyrissjóðs Neskaupstaðar*. Samkvæmt ákvæðum reglugerðar um Lífeyrissjóð Neskaupstaðar er bæjarstjóri formaður stjórnar. Jafnframt skipar bæjarstjórn einn aðalfulltrúa og annan til vara í stjórn sjóðsins.

C. Tilnefningar og kosningar.

Kosnir fulltrúar á ársþing og ársfundi stofnana, sem bærinn á aðild að. Kjörtímabil þeirra er hið sama og bæjarstjórnar nema kveðið sé á um annað og skal kosning fara fram á fyrsta eða öðrum fundi nýkjörinnar bæjarstjórnar eða í júní ár hvert vegna þeirra tilnefninga sem gilda skemur.

a. kosnir af bæjarstjórn.

1. *Landsþing Sambands íslenskra sveitarfélaga*. Samkvæmt lögum um Samband íslenskra sveitarfélaga kýs bæjarstjórn aðal- og varafulltrúa á landsþing sambandsins.
2. *Fulltrúaráð Eignarhaldsfélags Brunabótafélags Íslands*. Bæjarstjórn kýs aðal- og varafulltrúa í fulltrúaráð Eignarhaldsfélags Brunabótafélags Íslands.
3. *Samband sveitarfélaga á Austurlandi*. Bæjarstjórn kýs aðal- og varafulltrúa á aðalfund Sambands sveitarfélaga á Austurlandi, samkvæmt lögum sambandsins. Fulltrúar bæjarfélagsins eru kosnir á fyrsta eða öðrum fundi nýkjörinnar bæjarstjórnar og síðan í júní ár hvert vegna næstkomandi aðalfundar.

b. tilnefningar staðfestar af bæjarstjórn.

1. *Fulltrúaráð Skólaskrifstofu Austurlands*. Samkvæmt stofnsamningi Skólaskrifstofu Austurlands og eftir tilnefningu fræðslu- og frístundanevndar skipar bæjarstjórn aðal- og vara-fulltrúa í fulltrúaráð og er kjörtímabil þeirra hið sama og bæjarstjórnar.
2. *Fulltrúaráð Héraðsskjalasafns Austfirðinga*. Samkvæmt stofnsamningi Héraðsskjalasafns Austfirðinga og eftir tilnefningu atvinnu- og menningarnefndar skipar bæjarstjórn aðal- og varafulltrúa í fulltrúaráð safnsins og er kjörtímabil þeirra hið sama og bæjarstjórnar.
3. *Menningarráð Austurlands*. Bæjarstjórn kýs fulltrúa á aðalfund og jafnmarga til vara, samkvæmt samþykktum ráðsins, að fenginni tillögu atvinnu- og menningarnefndar.
4. *Stjórn Sjóminjasafns Austurlands*. Bæjarstjórn skipar fulltrúa í stjórn Sjóminjasafns Austurlands samkvæmt stofnsamningi þess og eftir tilnefningu atvinnu- og menningarnefndar.
5. *Stjórn Smiðju- og sjóminjasafns Jósafats Hinrikssonar*. Bæjarstjórn skipar fulltrúa í stjórn safnsins samkvæmt stofnsamningi þess og eftir tilnefningu atvinnu- og menningarnefndar.

D. Samkvæmt lögum skal bæjarstjórn kjósa í eftirtalin verkefni:

1. *Skoðunarmenn bæjarsjóðsreikninga*. Bæjarstjórn kýs tvo skoðunarmenn og jafnmarga til vara, samkvæmt 69. gr. sveitarstjórnarlaga. Skoðunarmenn bæjarsjóðsreikninga eru kosnir á fyrsta fundi nýkjörinnar bæjarstjórnar til loka kjörtímabils bæjarstjórnar.
2. *Fjallskilastjórar*. Bæjarstjórn kýs fjallskilastjóra eftir tilnefningu landbúnaðarnefndar, samanber ákvæði fjallskilasamþykktar fyrir Múlasýslur.

E. **Verkefnabundnar nefndir.** Bæjarstjórn getur skipað nefndir til að vinna að afmörkuðum verkefnum. Umboð slíkra nefnda fellur sjálfkrafa niður við lok kjörtímabils bæjarstjórnar eða fyrr ef verki nefndar er lokið. Bæjarstjórn getur afturkallað umboð slíkra nefnda hvenær sem er.

Samþykkt þessi, sem bæjarstjórn Fjarðabyggðar hefur sett samkvæmt ákvæðum 10. gr. og 25. gr. sveitarstjórnarlaga nr. 45/1998, staðfestist hér með til að öðlast þegar gildi.

Samgöngu- og sveitarstjórnarráðuneytinu, 6. september 2010.

F. h. r.

Hermann Sæmundsson.

Stefanía Traustadóttir.

VIÐAUKI 1.0

**Um fullnaðarafgreiðslur atvinnu- og menningarnefndar
án staðfestingar bæjarstjórnar eða bæjarráðs.**

1. gr.

Atvinnu- og menningarnefnd afgreiðir, án staðfestingar bæjarstjórnar eða bæjarráðs, eftirtalin verkefni samkvæmt heimild í 2. mgr. 44. gr. sveitarstjórnarlaga nr. 45/1998, sbr. lög nr. 74/2003:

- a. Ákvarðanir um úthlutun styrkja til menningarmála, þ.m.t. samstarfssamninga með eins árs gildistíma, í samræmi við reglur staðfestar af bæjarstjórn og fjárhagsáætlun hvers árs.

Atvinnu- og menningarnefnd getur ávallt vísað afgreiðslu mála samkvæmt 1. mgr. til bæjarráðs og er skylt að vísa þeim til bæjarráðs sé þess óskað af tveimur fulltrúum í nefndinni hið fæsta. Í slíkum tilfellum skal nefndin þó setja fram tillögu að afgreiðslu máls.

2. gr.

Afgreiðslur nefndarinnar skv. 1. gr. skulu kynntar með því að fundargerðir nefndarinnar skulu lagðar fyrir bæjarráð og bæjarstjórn samkvæmt samþykkt um stjórn og fundarskóp sveitarfélagsins.

3. gr.

Óski aðili frekari rökstuðnings við afgreiðslu nefndarinnar eða komi hann á framfæri kvörtun skal honum leiðbeint um réttarstöðu sína, meðal annars um heimild til að óska eftir endurupptöku máls í bæjarráði með hliðsjón af 24. gr. stjórnsýslulaga, eftir því sem við á. Telji bæjarráð að skilyrði um endurupptöku séu fyrir hendi skal menningar-, íþrótt- og ferðamálanefnd taka málið upp að nýju.

VIÐAUKI 2.0

**Um fullnaðarafgreiðslur félagsmálanefndar og barnaverndarnefndar
án staðfestingar bæjarstjórnar eða bæjarráðs.**

1. gr.

Lögbundnar fullnaðarákvarðanir barnaverndarnefndar eru eftirfarandi:

- b. Í samræmi við 13. gr. barnaverndarlaga nr. 80/2002 eru ákvarðanir og úrskurðir nefndarinnar samkvæmt barnaverndarlögum fullnaðarákvarðanir innan stjórnsýslu sveitarfélagsins.

Lögbundnar fullnaðarákvarðanir félagsmálanefndar eru eftirfarandi:

- a. Í samræmi við ákvæði laga um félagspjónustu sveitarfélaga nr. 40/1991, sbr. einnig ákvæði laga um húsaleigubætur nr. 138/1997, eru ákvarðanir félagsmálanefndar varðandi réttindi og skyldur skjólstæðinga nefndarinnar fullnaðarákvarðanir.

Félagsmálanefnd afgreiðir án staðfestingar bæjarstjórnar eða bæjarráðs eftirtalin verkefni samkvæmt heimild í 2. mgr. 44. gr. sveitarstjórnarlaga nr. 45/1998, sbr. lög nr. 74/2003 og samþykkt um stjórn og fundarskóp Fjarðabyggðar:

- a. Afgreiðsla og ákvarðanir um styrki, fyrirgreiðslu og liðveislu til einstaklinga, samkvæmt reglum staðfestum af bæjarstjórn.
- b. Rekstrar- og þjónustusamninga við félög eldri borgara enda séu þeir innan fjárheimilda nefndarinnar.

Félagsmálanefnd og barnaverndarnefnd geta ávallt vísað afgreiðslu mála samkvæmt 2. mgr. til bæjarráðs og er skylt að vísa þeim til bæjarráðs sé þess óskað af tveimur fulltrúum í nefndunum hið fæsta. Í slíkum tilfellum skulu nefndirnar þó setja fram tillögu að afgreiðslu máls.

2. gr.

Afgreiðslur skv. 1. gr. skulu kynntar með því að fundargerðir skulu lagðar fyrir bæjarráð og bæjarstjórn samkvæmt samþykkt um stjórn og fundarskóp sveitarfélagsins.

3. gr.

Óski aðili frekari rökstuðnings við afgreiðslu nefndanna eða komi hann á framfæri kvörtun skal honum leiðbeint um réttarstöðu sína, meðal annars um heimild til að óska eftir endurupptöku máls í bæjarráði með hliðsjón af 24. gr. stjórnsýslulaga, eftir því sem við á. Telji bæjarráð að skilyrði um endurupptöku séu fyrir hendi skulu nefndirnar taka málið upp að nýju.

VIÐAUKI 3.0

**Um fullnaðarafgreiðslur fræðslu- og frístundanevndar
án staðfestingar bæjarstjórnar eða bæjarráðs.**

1. gr.

Lögbundnar fullnaðarákvarðanir eru eftirfarandi:

- a. Ákvarðanir um mögulega brottvikningu nemanda úr skóla í samræmi við 14. gr. grunnskólalaga nr. 91/2008, sbr. reglugerð nr. 270/2000 um skólareglur í grunnskóla.
- b. Ákvarðanir um skólaskyldu barns, sbr. 15. gr. grunnskólalaga.

Fræðslu- og frístundanevnd afgreiðir án staðfestingar bæjarstjórnar eða bæjarráðs eftirtalin verkefni samkvæmt heimild í 2. mgr. 44. gr. sveitarstjórnarlaga nr. 45/1998, sbr. lög nr. 74/2003 og samþykkt um stjórn og fundarsköp Fjarðabyggðar:

- a. Ákvarðanir tengdar réttindum og skyldum nemanda varðandi skólasókn, sbr. 13. og 14. gr. grunnskólalaga og tímabundna undanþágu frá skólasókn sbr. 15. gr. grunnskólalaga.
- b. Ákvarðanir um úthlutun styrkja til íþróttamála, þ.m.t. samstarfssamninga með eins árs gildistíma, í samræmi við reglur staðfestar af bæjarstjórn og fjárhagsáætlun hvers árs.

Fræðslu- og frístundanevnd getur ávallt vísað afgreiðslu mála samkvæmt 2. mgr. til bæjarráðs og er skylt að vísa þeim til bæjarráðs sé þess óskað af tveimur fulltrúum í nefndinni hið fæsta. Í slíkum tilfellum skal nefndin þó setja fram tillögu að afgreiðslu máls.

2. gr.

Afgreiðslur nefndarinnar skv. 1. gr. skulu kynntar með því að fundargerðir nefndarinnar skulu lagðar fyrir bæjarráð og bæjarstjórn samkvæmt samþykkt um stjórn og fundarsköp sveitarfélagsins.

3. gr.

Óski aðili frekari rökstuðnings við afgreiðslu nefndarinnar eða komi hann á framfæri kvörtun skal honum leiðbeint um réttarstöðu sína, meðal annars um heimild til að óska eftir endurupptöku máls í bæjarráði með hliðsjón af 24. gr. stjórnsýslulaga, eftir því sem við á. Telji bæjarráð að skilyrði um endurupptöku séu fyrir hendi skal fræðslunefnd taka málið upp að nýju.

VIÐAUKI 4.0

**Um fullnaðarafgreiðslur hafnarstjórnar án staðfestingar
bæjarstjórnar eða bæjarráðs.**

1. gr.

Hafnarstjórn afgreiðir án staðfestingar bæjarstjórnar eða bæjarráðs eftirtalin verkefni samkvæmt heimild í 2. mgr. 44. gr. sveitarstjórnarlaga nr. 45/1998, sbr. lög nr. 74/2003 og samþykkt um stjórn og fundarsköp Fjarðabyggðar:

- a. Hvers kyns ákvarðanir varðandi starfsemi Fjarðabyggðarhafna. Þó ekki staðfestingu gjaldskrár, fjárhagsáætlun, ákvarðanir um breytingu hafnarsvæðis og ákvarðanir sem varða nýframkvæmdir að hærri fjárhæð en 20 milljónir kr.

Hafnarstjórn getur ávallt vísað afgreiðslu mála samkvæmt 1. mgr. til bæjarráðs.

2. gr.

Afgreiðslur nefndarinnar skv. 1. gr. skulu kynntar með því að fundargerðir stjórnar skulu lagðar fyrir bæjarráð og bæjarstjórn samkvæmt samþykkt um stjórn og fundarsköp sveitarfélagsins.

3. gr.

Óski aðili frekari rökstuðnings við afgreiðslu stjórnar eða komi hann á framfæri kvörtun skal honum leiðbeint um réttarstöðu sína, meðal annars um heimild til að óska eftir endurupptöku máls í bæjarráði með hliðsjón af 24. gr. stjórnsýslulaga, eftir því sem við á. Telji bæjarráð að skilyrði um endurupptöku séu fyrir hendi skal hafnarstjórn taka málið upp að nýju.

VIÐAUKI 5.0

**Um fullnaðarafgreiðslur eigna-, skipulags- og umhverfisnefndar
án staðfestingar bæjarstjórnar eða bæjarráðs.**

1. gr.

Eigna-, skipulags- og umhverfisnefnd afgreiðir án staðfestingar bæjarstjórnar eða bæjarráðs eftirtalin verkefni samkvæmt heimild í 2. mgr. 44. gr. sveitarstjórnarlaga nr. 45/1998, sbr. lög nr. 74/2003 og samþykkt um stjórn og fundarsköp Fjarðabyggðar:

- a. Tillögur til lögreglustjóra varðandi breytingar á varanlegum sérákvæðum um notkun vega til umferðar og aðrar ákvarðanir sem hljóta þurfa staðfestingu eða samþykki hans, sbr. 81.-83. gr. umferðarlaga nr. 50/1987.
- b. Hvers kyns ákvarðanir varðandi starfsemi Rafveitu Reyðarfjarðar. Þó ekki staðfestingu gjaldskrár, fjárhagsáætlun og ákvarðanir um nýframkvæmdir að hærri fjárhæð en 20 m.kr.
- c. Hvers kyns ákvarðanir varðandi starfsemi Hitaveitu Fjarðabyggðar. Þó ekki staðfestingu gjaldskrár, fjárhagsáætlun, ákvarðanir um breytingu veitusvæðis og ákvarðanir um nýframkvæmdir að hærri fjárhæð en 20 m.kr.
- d. Hvers kyns ákvarðanir varðandi starfsemi Vatnsveitu Fjarðabyggðar. Þó ekki staðfestingu gjaldskrár, fjárhagsáætlun og ákvarðanir um nýframkvæmdir að hærri fjárhæð en 20 m.kr.
- e. Hvers kyns ákvarðanir varðandi starfsemi Fráveitu Fjarðabyggðar. Þó ekki staðfestingu gjaldskrár, fjárhagsáætlun og ákvarðanir um nýframkvæmdir að hærri fjárhæð en 20 m.kr.
- f. Óverulegar breytingar á deiliskipulagi, sbr. 2. mgr. 26. gr. skipulags- og byggingarlaga.
- g. Ákvörðun um að hefja gerð deiliskipulags.
- h. Framkvæmdaleyfi, sbr. 1. mgr. 27. gr. skipulags- og byggingarlaga.
- i. Skiptingu jarða, landa, lóða og breytingar á landamerkjum, sbr. 30. gr. skipulags- og byggingarlaga.

Eigna-, skipulags- og umhverfisnefnd getur ávallt vísað afgreiðslu mála til bæjarráðs og er skylt að vísa þeim til bæjarráðs sé þess óskað af tveimur fulltrúum í nefndinni hið fæsta. Í slíkum tilfellum skal nefndin þó setja fram tillögu að afgreiðslu máls.

2. gr.

Afgreiðslur nefndarinnar skv. 1. gr. skulu kynntar með því að fundargerðir nefndarinnar skulu lagðar fyrir bæjarráð og bæjarstjórn samkvæmt samþykkt um stjórn og fundarsköp sveitarfélagsins.

3. gr.

Óski aðili frekari rökstuðnings við afgreiðslu nefndarinnar eða komi hann á framfæri kvörtun skal honum leiðbeint um réttarstöðu sína, meðal annars um heimild til að óska eftir endurupptöku máls í bæjarráði með hliðsjón af 24. gr. stjórnsýslulaga, eftir því sem við á. Telji bæjarráð að skilyrði um endurupptöku séu fyrir hendi skal mannvirkjanefnd taka málið upp að nýju.

VIÐAUKI 6.0

**Um fullnaðarafgreiðslur embættismanna án
staðfestingar bæjarstjórnar eða bæjarráðs.**

1. gr.

Forstöðumaður stjórnsýslu afgreiðir án staðfestingar bæjarráðs umsagnir til sýslumanns samkvæmt 1. tl. 4. mgr. laga nr. 85/2007 og veitir leyfi til sölu gistingar og veitinga og útleigu samkomusala í atvinnuskyni. Áður en forstöðumaður veitir leyfi skal hann leita umsagnar byggingarfulltrúa.

2. gr.

Fjármálastjóri afgreiðir án staðfestingar bæjarráðs umsóknir um afslátt af fasteignaskatti samkvæmt reglum um afslátt fasteignaskatts sbr. 4. mgr. 5. gr. laga um tekjustofna sveitarfélaga nr. 4/1995.

3. gr.

Byggingarfulltrúi Fjarðabyggðar afgreiðir án staðfestingar eigna-, skipulags- og umhverfisnefndar mál er falla undir skipulags- og byggingarlög nr. 73/1997, með síðari breytingum, og skilgreind eru sem verkefni byggingarnefnda í lögnum önnur en úthlutun lóða, gerð byggingarskilmála og tillagna um nöfn gatna, torga og bæjarhluta.

Sjá nánar samþykkt um afgreiðslu byggingarfulltrúa Fjarðabyggðar nr. 824/2003.